

Na osnovu člana 16. stav 4. Zakona o Vladi Zeničko-dobojskog kantona ("Službene novine Zeničko-dobojskog kantona", broj 7/10), Vlada Zeničko-dobojskog kantona, na 15. sjednici, održanoj 25.10.2015. godine, d o n o s i

ZAKLJUČAK

I.

Prihvata se Informacija o koncesijama na vodama za 2014. godinu, koju je izradilo Ministarstvo za poljoprivredu, šumarstvo i vodoprivredu Zeničko-dobojskog kantona.

II.

Informacija iz tačke I. ovog zaključka upućuje se u skupštinsku proceduru.

III.

Zaključak stupa na snagu danom donošenja.

Broj: 02-_____/15.
Datum, 25.06.2015. godine
Zenica

PREMIJER

Miralem Galijašević

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Stručna služba Skupštine,
1x a/a.

BOSNA I HERCEGOVINA
Federacija Bosne i Hercegovine
ZENIČKO-DOBOJSKI KANTON

**MINISTARSTVO ZA POLJOPRIVREDU,
ŠUMARSTVO I VODOPRIVREDU**



**INFORMACIJA O KONCESIJAMA
NA VODAMA
ZA 2014. GODINU**

Zenica, maj 2015. godine

SADRŽAJ:

UVOD	2
1. DODIJELJENE KONCESIJE DO 2014. GODINE	3
1.1. Dodijeljene koncesije za korištenje vode za flaširanje	3
1.2. Dodijeljene koncesije za izgradnju malih hidroelektrana	3
2. DODJELA KONCESIJA NA VODAMA U 2014. GODINI	5
2.1. Dodijeljene koncesije	5
2.2. Postupci koji su u toku	5
2.3. Postupci koji su prekinuti ili obustavljeni	7
3. KONCESIONA NAKNADA U 2014. GODINI	8
4. ZAKLJUČAK	10

UVOD

Programom rada Ministarstva za poljoprivredu, šumarstvo i vodoprivredu za 2015. godinu u mjesecu maju planirana je izrada Informacije o koncesijama na vodama za 2014. godinu, radi informisanja Vlade i Skupštine o stanju i aktivnostima u ovoj oblasti u izvještajnom periodu.

Oblast koncesija uređena je sljedećim zakonima:

- Zakon o koncesijama Bosne i Hercegovine („Službeni glasnik Bosne i Hercegovine“, broj: 32/02),
- Zakon o koncesijama Federacije Bosne i Hercegovine („Službene novine Federacije Bosne i Hercegovine“, broj: 40/02 i 61/06),
- Zakon o koncesijama Zeničko-dobojskog kantona („Službene novine Zeničko-dobojskog kantona“, broj: 05/03),
- Odluka o utvrđivanju minimalnih naknada za koncesije („Službene novine Zeničko-dobojskog kantona“, broj: 6/13),
- Zakon o vodama („Službene novine Federacije BiH“, broj: 70/06), i
- Zakon o vodama („Službene novine Zeničko-dobojskog kantona“, broj: 17/07).

U skladu sa navedenim, nadležnosti Kantona u oblasti dodjele koncesija su slijedeće:

1. istraživanje i/ili eksploatacija:
 - energetskih mineralnih sirovina (ugalj, sirova nafta, zemni gas i dr.),
 - metalčnih i nemetalčnih mineralnih sirovina iz primarnih i sekundarnih ležišta,
 - svih vrsta soli i solnih voda,
 - ljekovitih, termalnih i mineralnih voda i izvorišta prirodnih voda za piće.
2. korištenje vodotokova i voda od interesa za Kanton,
3. izgradnja i/ili korištenje hidroakumulacija od interesa za Kanton,
4. izgradnja i/ili korištenje hidroenergetskih objekata snage ispod 5 MW,
5. korištenje građevinskog zemljišta,
6. korištenje poljoprivrednog zemljišta,
7. javni linijski prijevoz osoba,
8. lovstvo i ribolov,
9. hoteli i ostali turistički objekti,
10. vodosnabdijevanje gradova i naselja,
11. snabdijevanje toplotnom energijom i zemnim gasom gradova i naselja,
12. čišćenje gradova i odlaganje čvrstog otpada,
13. kanalizacioni sistemi.

Od donošenja Zakona o koncesijama Zeničko-dobojskog kantona, Ministarstvo za poljoprivredu, šumarstvo i vodoprivredu je imalo vrlo dinamične i obimne aktivnosti vezane za dodjelu koncesija. Aktivnosti su vođenje uglavnom po osnovu samoinicijativnih ponuda/ zahtjeva, a odnosili su se na dodjelu koncesija za eksploataciju mineralne/prirodne vode radi flaširanja i izgradnju hidroenergetskih objekata snage do 5 MW.

Imajući u vidu naprijed navedeno, Ministarstvo za poljoprivredu, šumarstvo i vodoprivredu je u izvještajnom periodu realizovalo niz aktivnosti vezanih za dodjelu koncesija, i pored činjenice da u unutrašnjoj sistematizaciji i organizaciji radnih mjesta ne postoji radno mjesto odnosno referat za izvršenje poslova po Zakonu o koncesijama, koje je neophodno radi obimnosti poslova iz resora ovog Ministarstva u oblasti koncesija, tako da su poslovi koji se odnose na oblast koncesija praktično dovedeni u pitanje. Ovo posebno iz razloga povećane tendencije podnošenja

samoinicijativnih zahtjeva za dodjelom koncesija na vodama, osobito za izgradnju hidroenergetskih objekata.

U nastavku Informacije dat je pregled dodijeljenih koncesija do 2014. godine i u 2014. godini, te finansijskih tokova i programa aktivnosti u 2014. godini.

1. DODIJELJENE KONCESIJE DO 2014. GODINE

1.1. Dodijeljene koncesije za korištenje voda za flaširanje

U tabeli 1. dat je pregled privrednih subjekata - koncesionara kojima je dodijeljena koncesija na vodama za eksploataciju radi flaširanja.

TABELA 1.: Pregled dodijeljenih koncesija na vodama do 2014. godine
- eksploatacija vode radi flaširanja

R. br.	KONCESIONAR – SJEDIŠTE	LOKALITET /OPĆINA	PREDMET KONCESIJE	ODLUKA VLADE / UGOVOR	VRIJEME VAŽENJA KONCESIJE (GODINA)
1	2	3	4	5	6
1.	„CELVIK – KISELJAK“ d.o.o. Tešanj	Dolac / Tešanj	Crpljenje mineralne vode	Odluka Vlade 02-25-5005/03 od 11.03.2003. god. Ugovor: 06.06.2003.	30
2.	„Prirodni kiseljak Princess“ d.o.o. Tešanj	Oraš – Planje/ Tešanj	Crpljenje mineralne vode	Odluka Vlade 02-25-5004/03 od 11.03.2003. god. Ugovor potpisan: 02.06.2003.	30
3.	„TEŠANJSKA VRELA“ d.o.o. Tešanj	Cerik/ Tešanj	Crpljenje mineralne vode	Odluka Vlade 02-25-23244/03 27.10.2003. g. Ugovor potpisan: 08.03.2004.	30
4.	„ZEMA“ d.o.o. Tešanj	Raduša/ Tešanj	Crpljenje mineralne vode	Odluka Vlade 02-25-172/04 30.12.2003. g. Ugovor: potpisan 08.03.2004.	30
5.	„MISIR“ d.o.o. Olovo	Riđanik/ Olovo	Crpljenje prirodne vode	Odluka Vlade 02-25-15128/04 od 12.07.2004. g. Ugovor potpisan: 21.10.2004.	30
6.	„MAPEX“ d.o.o. Maglaj	Omerdino Polje/ Maglaj	Crpljenje prirodne i mineralne vode	Odluka Vlade 02-25-16495/04 od 05.03.2004. g. Ugovor potpisan: 28.10.2004.	30
7.	„IRIŠKIĆ“ d.o.o. Tešanj	Jezeračka rijeka/ Zenica	Crpljenje prirodne vode	Odluka Vlade 02-25-16492/04 od 05.08.2004. g. Ugovor potpisan: 19.11.2004.	30
8.	„AZ-EN PETROL“	Podjezera/ Zenica	Crpljenje prirodne vode	Odluka Vlade: 02-25-32628/08 od 14.10.2008. god. Ugovor o koncesiji potpisan 13.12.2011. god.	30

Za koncesionare „CELVIK-Kiseljak“ d.o.o. Tešanj i „MISIR“ d.o.o. Olovo pokrenut je postupak postupak prinudne naplate dugovanja i postupak raskida koncesionog ugovora. Ostale punionice vode su u funkciji.

1.2. Dodijeljene koncesije za izgradnju malih hidroelektrana (MHE)

Pregled dodijeljenih koncesija za izgradnju malih hidroelektrana (u daljem tekstu: MHE), u periodu od donošenja Zakona o koncesijama do 2014. godine, dat je u narednoj tabeli.

TABELA 2. Pregled dodijeljenih koncesija za izgradnju MHE

Naziv objekta	Vodotok	Općina	Instalirana snaga (kW)	Moguća godišnja proizvodnja (GWh)	Koncesionar	Odluka Vlade o dodjeli koncesije	Ugovor o koncesiji (broj/datum)	Koncesionarna naknada (% od uk. prih. od prodaje el.energije)	Rok za početak probnog rada
MHE Botašnica ušće	Gostović	Zavidovići	921	3,775	„EBH“ d.o.o. Sarajevo	02-25-7670/06 od 29.03.2006. i 02-25-10967/06 od 18.05.2006. Odluka o prenosu sa „PRIMUS-ENERGY“ na „EBH“ br. 05-25-15351/10 od 24.05.2010. 02-25-27817/12 od 07.12.2012. 02-25-24976/14 od 15.10.2014.	05-25-10967-1/06 od 03.07.2006. (Ugovor o prenosu: 05-25-10967-5/06 od 03.06.2010.) 05-25-15351-1/10 od 03.06.2010. Aneks I ugovora br. 05-25-15351-3/10 od 07.12.2012.	3,1	03.12.2015.
MHE Rujevica-ušće	Gostović	Zavidovići	714	2,602	„EBH“ d.o.o. Sarajevo	02-25-7671/06 od 29.03.2006. i 02-25-10966/06 od 18.05.2006. Odluka o prenosu sa „PRIMUS-ENERGY“ na „EBH“ br. 05-25-15352/10 od 24.05.2010. 02-25-27816/12 od 07.12.2012. 02-25-25975/14 od 18.12.2014.	05-25-10966-1/06 od 03.07.2006. (Ugovor o prenosu: 05-25-10966-5/06 od 03.06.2010.) 05-25-15352-1/10 od 03.06.2010. Aneks I ugovora br. 05-25-15352-3/10 od 07.12.2012.	3,6	03.12.2015.
MHE Kamenica	Gostović	Zavidovići	778	2,655	„EBH“ d.o.o. Sarajevo	02-25-7668/06 od 29.03.2006. 02-25-25560/06 od 28.11.2006. 02-25-15354/10 od 24.05.2010. godine 02-25-21388/14 od 29.10.2014.	02-25-25181/06 od 08.12.2006. Aneks ugovora br. 05-25-25181-1/096 od 09.12.2008. Aneks II ugovora br. 05-25-05-25-25181-3/06 od 03.06.2010. Aneks III ugovora br. 05-25-25181-7/06 od 10.11.2014.	2,4	08.12.2015.
MHE Čardak	Gostović	Zavidovići	945	4,514	„EBH“ d.o.o. Sarajevo	02-25-7669/06 od 29.03.2006. 02-25-25561/06 od 28.11.2006. 05-25-30491/11 od 01.12.2011.	02-25-26182/06 od 08.12.2006. Aneks ugovora br. 05-25-25182-1/096 od 09.12.2008. Aneks II ugovora br. 05-25-05-25-25182-3/06 od 03.06.2010. Aneks III ugovora br. 05-25-25182-5/06 od 07.12.2011. godine Aneks IV ugovora br. 05-25-25182-7/06 od 07.12.2012.	3,1	U funkciji
MHE Bistričak	Bistričak	Zenica	810	4,035	„ADRIJA-PRODUKT“ d.o.o. Zenica	02-25-21507/06 od 11.10.2006. ; 02-25-25561/06 od 11.06.2010.; 02-25-33979/10 od 30.12.2010.	05-25-24041/07 od 18.10.2007. godine; aneks ugovora br. 05-25-24041-1/06 od 09.07.2010. aneks II ugovora br. 05-25-24041-4/06 od 18.01.2011.	1,1	U funkciji.
MHE Čajdraš	Magistralni cjevovod zeničkog vodovoda	Zenica	485	3,633	JP "Vodovod i kanalizacija" d.o.o. Zenica	02-25-19680/09 od 30.07.2009.	05-25-2583-7/09 od 06.09.2010.	2,0	U funkciji.
MHE Vareš	Stavnja	Vareš	1.100	5.890	„EKO-ENERGY“ d.o.o. Tešanj	02-25-17617/12 od 09.08.2012. godine	-	1-10 god 7% 11-20 god 15,5 % 21-30 god 21 %	3 mjeseca od izdavanja odobrenja za upotrebu
MHE Podjezera	Jezeračka rijeka	Zenica	460+190	4.870	„ELING-INŽINJERING“ d.o.o. Teslić	02-25-17618/12 od 09.08.2012. godine	-	1-10 god 7,1% 11-30 god 12 %	3 mjeseca od izdavanja odobrenja za upotrebu
MHE Pepelari	Pepelarska rijeka	Zenica Žepče	448	3.356	„EMY“ d.o.o. Zenica	02-25-24742/13 od 21.11.2013. godine	-	5	3 mjeseca od izdavanja odobrenja za upotrebu

Do sada su izgrađene i puštene u pogon tri male hidroelektrane i to MHE Bistričak, MHE Čajdraš i MHE Čardak. Za ostale je naveden rok za puštanje u probni rad.

2. DODJELA KONCESIJA NA VODAMA U 2014. GODINI

2.1. Dodijeljene koncesije

2.1.1. Samoinicijativna ponuda privrednog društva „GTUD DELA“ d.o.o. Kakanj

Privredni subjekat „GTUD DELA“ d.o.o. Kakanj podnio je Zahtjev broj: 615-08/11 od 19.08.2011. godine, (samoinicijativnu ponudu) za projektovanje, izgradnju i korištenje male hidroelektrane „ŽUĆA-RIJEKA“ snage 502 kW na rijeci Žući, na području općine Kakanj.

Na osnovu Odluke Vlade o pristupanju provođenja procedure dodjele koncesije za MHE „ŽUĆA RIJEKA“, broj: 02-25-5283/13 od 04.03.2013. godine i provedenog postupka javnog prikupljanja ponuda, Odlukom Vlade Zeničko-dobojskog kantona broj: 02-25-4966/14 od 12.03.2014. godine, dodijeljena je koncesija ponuđaču „GTUD DELA“ d.o.o. Kakanj, kojom je propisano da je koncesionar dužan prije potpisivanja Ugovora o koncesiji uplatiti jednokratnu koncesionu naknadu u iznosu od 35.065,00 KM, te obezbijediti odobrenje za građenje objekata najkasnije u roku od tri godine od donošenja Odluke.

Postupak pribavljanja odobrenja za građenje je u toku.

2.1.2. Samoinicijativna ponuda privrednog društva „GTUD DELA“ d.o.o. Kakanj

Privredni subjekat „GTUD DELA“ d.o.o. Kakanj podnio je Zahtjev broj: 615-08/11 od 19.08.2011. godine, (samoinicijativnu ponudu) za projektovanje, izgradnju i korištenje male hidroelektrane „UŠĆE“ snage 185 kW na Maloj rijeci, na području općina Kakanj.

Na odnosu Odluke Vlade o pristupanju provođenja procedure dodjele koncesije za MHE „UŠĆE“, broj: 02-25-5283/13 od 04.03.2013. godine i provedenog postupka javnog prikupljanja ponuda, Odlukom Vlade Zeničko-dobojskog kantona broj: 02-25-4964/14 od 12.03.2014. godine, dodijeljena je koncesija ponuđaču „GTUD DELA“ d.o.o. Kakanj, kojom je propisano da je koncesionar dužan prije potpisivanja Ugovora o koncesiji uplatiti jednokratnu koncesionu naknadu u iznosu od 22.045,00 KM, te obezbijediti odobrenje za građenje objekata najkasnije u roku od tri godine od donošenja Odluke.

Postupak pribavljanja odobrenja za građenje je u toku.

2.1.3. Samoinicijativna ponuda privrednog društva „GTUD DELA“ d.o.o. Kakanj

Privredni subjekt „GTUD DELA“ d.o.o. Kakanj, podnio je Zahtjev broj: 615-08/11 od 19.08.2011. godine, (samoinicijativnu ponudu) za projektovanje, izgradnju i korištenje male hidroelektrane „MARUŠIĆI“ snage 341 kW na Marušićkoj rijeci, na području općina Kakanj.

Na osnovu Odluke Vlade o pristupanju provođenja procedure dodjele koncesije za MHE „MARUŠIĆI“, broj: 02-25-5283/13 od 04.03.2013. godine i provedenog postupka javnog prikupljanja ponuda, Odlukom Vlade Zeničko-dobojskog kantona broj: 02-25-4965/14 od 12.03.2014. godine, dodijeljena je koncesija ponuđaču „GTUD DELA“ d.o.o. Kakanj, kojom je propisano da je koncesionar dužan prije potpisivanja Ugovora o koncesiji uplatiti jednokratnu koncesionu naknadu u iznosu od 33.055,00 KM, te obezbijediti odobrenje za građenje objekata najkasnije u roku od tri godine od donošenja Odluke.

Postupak pribavljanja odobrenja za građenje je u toku.

2.2. Postupci koji su u toku

2.2.1. Samoinicijativni zahtjev-ponuda Begić Nadina iz Nemile za dodjelu koncesije za zahvatanje vode radi flaširanja

Begić Nadin, vl. PD „BOSS“ Zenica, Varošište 125, Zenica, obratio se zahtjevom za dodjelu koncesije za eksploataciju prirodne izvorske vode sa izvorišta „RAVNE DOLINE“ u MZ

Nemila, radi flaširanja. S obzirom da je podnesak bio nepotpun, upućen je zahtjev za dopunu podneska.

2.2.2. JZU „AQUATERM“ Banjsko-rekreativni centar Olovo za dodjelu koncesije za eksploataciju termo-mineralne vode u Olovu. Ministarstvo za poljoprivredu, šumarstvo i vodoprivredu je pribavilo saglasnost Općinskog Vijeća općine Olovo i izdalo vodnu saglasnost u skladu sa Zakonom o vodama, a Komisija za koncesije utvrdila je postojanje javnog interesa za dodjelu predmetne koncesije.

U skladu sa mišljenjem Kantonalnog pravobranilaštva u 2014. godini proveden je postupak za dodjelu predmetne koncesije i pripremljena Odluka o dodjeli predmetne koncesije, nakon čega slijedi potpisivanje ugovora.

2.2.3. Samoinicijativna ponuda privrednog društva „EMY“ d.o.o. Zenica

Na osnovu samoinicijativne ponude privrednog subjekta „EMY“ d.o.o. Zenica, za dodjelu koncesije za malu hidroelektranu „Pepelari“ snage 448 kW na Pepelarskoj rijeci, na području općina Zenica i Žepče, nakon pribavljanja saglasnosti općinskih vijeća općina Zenica i Žepče, izdavanja prethodne vodne saglasnosti, te utvrđenog postojanja javnog interesa, Odlukom Vlade Zeničko-dobojskog kantona broj: 02-25-24742/13 od 21.11.2013. godine dodijeljena je koncesija ponuđaču „EMY“ d.o.o. Zenica, kojom je propisano da je koncesionar prije potpisivanja Ugovora o koncesiji dužan uplatiti jednokratnu koncesionu naknadu u iznosu od 30.000,00 KM, te obezbijediti odobrenje za građenje objekata najkasnije u roku od tri godine od donošenja Odluke.

U toku je postupak pribavljanja odobrenja za građenje.

2.2.4. Samoinicijativna ponuda konzorcija „ADRIA ENERGY“ d.o.o. Zenica

Konzorcij „ADRIA ENERGY“ d.o.o. Zenica, podnio je zahtjev 18.01.2011. godine, (samoinicijativnu ponudu za dodjelu koncesija) za malu hidroelektrane „Ograina“ snage 500 kW na rijeci Ograini, općina Zenica.

U postupku koji prethodi pokretanju provođenja postupka dodjele koncesije, ovo Ministarstvo pribavilo je saglasnost Općinskog Vijeća općine Zenica o za dodjelu koncesije broj: 01-01-5130/13 od 28.03.2013. godine i po službenoj dužnosti pokrenulo postupak izdavanja prethodne vodne saglasnosti.

Obzirom da se po podnesku nije moglo postupiti, stranka je aktima broj: 05-25-0143-17/11 od 26.06.2014. godine, pozvana da dostavi izmjenjeni zahtjev i priloži odgovarajuću prateću tehničku dokumentaciju (idejno rješenje) vodeći računa da parcele i objekti koji se vode kao vlasništvo Željezare Zenica ne budu obuhvaćeni istim.

Na zahtjev podnosioca samoinicijativne ponude rok za dostavu traženog projekta produžen je za dodatnih 60 dana.

2.2.5. Samoinicijativna ponuda privrednog društva „ESKIMO S2“ d.o.o. Travnik

Privredni subjekt „ESKIMO S2“ d.o.o. Travnik, podnio je zahtjev od 27.09.2011. godine, (samoinicijativnu ponudu) za projektovanje, izgradnju i korištenje male hidroelektrane „Šerići“ snage 238 kW na Šerića rijeci, na području općine Zenica.

U postupku koji prethodi pokretanju provođenja postupka dodjele koncesije, ovo Ministarstvo pribavilo je stručno mišljenje općine Zenica broj: 06-23-5228/11 od 22.11.2011. godine, a nakon toga Zahtjevom broj: 05-25-5228-2/11 od 09.12.2011. godine, zatražilo stručno mišljenje Ministarstva za prostorno uređenje, promet i komunikacije i zaštitu okoline Zeničko-dobojskog,

koje još nije dostavljeno, zatraženo je ponovo urgencijom broj: 05-25-5228-3/11 od 24.05.2013. godine, a do momenta izrade ove informacije isto nije dostavljeno.

2.2.6. Samoinicijativna ponuda privrednog društva „BERLIJETA“ d.o.o. Visoko

Privredni subjekt „BERLIJETA“ d.o.o. Visoko, podnio je Zahtjev broj 029/11 od 29.12.2011. godine, za dobijanje koncesije na osnovu samoinicijativne ponude za projektovanje, izgradnju i korištenje male hidroelektrane „Podtušnjići 1“ snage 1,5 MW na rijeci Fojnici, lokalitet Podtušnjići, općina Visoko.

U postupku koji prethodi pokretanju provođenja postupka dodjele koncesije, ovo Ministarstvo zatražilo je stručno mišljenje općine Visoko Zahtjevom broj: 05-25-6538-1/12 od 05.01.2012. godine, a koje još nije dostavljeno. Kao odgovor općina Visoko, dostavila je Mišljenje broj: 1864/13 od 10.06.2013. godine, u kome se kaže da je Općinsko vijeće općine Visoko donijelo odluku o pristupanju izrade Prostornog plana općine Visoko.

U toku 2014. godine Općina Visoko pokrenula je postupak izmjene Prostornog plana općine Visoko, što je uslov za dalje vođenje postupka.

2.3. Postupci koji su prekinuti ili obustavljeni

2.3.1. Samoinicijativna ponuda JP „Vodovod i kanalizacija“ d.o.o. Zenica

JP „ViK“ d.o.o. Zenica podnio je zahtjev broj: 05-25-4368/10 od 24.08.2010. godine, (samoinicijativnu ponudu za dodjelu koncesija) za korištenje pitke vode iz magistralnog vodovoda DN 500 vodozahvata „Kasapovići“ – rezervoar „Crkvice“ za izgradnju male hidroelektrane: „KAMENOLOM“ snage 95 kW, općina Zenica.

Na osnovu Zaključaka Vlade broj: 02-25 do 618/13 od 26.09.2013. godine, ovo Ministarstvo provelo je postupak javnog prikupljanja ponuda na koji je pristigla samo ponuda JP VODOVOD I KANALIZACIJA d.o.o. Zenica, u kojoj ponuđeni elementi nisu bili u skladu sa traženim zahtjevima iz tenderske dokumentacije i javnog poziva, te je iz tog razloga Zaključkom ovog Ministarstva broj: 05-25-4368-36/11 od 18.07.2014. godine, ponuda odbačena kao nepotpuna.

2.3.2. Samoinicijativna ponuda „HARA“ d.o.o. Visoko za dodjelu koncesije za izgradnju male hidrocentrale „Orlja“ na rijeci Orlji. Nakon što je pribavljeno stručno mišljenje općine Olovo sa aspekta prostoro-planske dokumentacije, zatraženo je mišljenje Ministarstva za prostorno uređenje, promet i komunikacije i zaštitu okoline, odnosno saglasnost Općinskog Vijeća općine Olovo, koje je zaključkom broj: 01-01-3-530/13 od 28.02.2013. godine pokrenulo javnu raspravu o izgradnji MHE na rijeci Orlji, a Zaključkom broj: 01-01-3-1413/13 od 29.04.2013. godine odredilo da se ponovo provede javna rasprava. Kako javna rasprava po ovom pitanju nije provedena, Ministarstvo za poljoprivredu, šumarstvo i vodoprivredu je donijelo Zaključak broj: 05-25-28422-6/11 od 10.06.2014. godine o prekidu postupka do odlučivanja Općinskog Vijeća općine Olovo o davanju saglasnosti na provođenje postupka dodjele predmetne koncesije.

2.3.3. Samoinicijativna ponuda „ENERGONOVA“ d.o.o. Sarajevo za dodjelu koncesije za izgradnju male hidroelektrane „Petrovići“ na rijeci Stupčanici. Postupak dodjele koncesije je obustavljen na zahtjev podnosioca, zaključkom Ministarstva za poljoprivredu, šumarstvo i vodoprivredu broj: 05-25-875-10/14 od 21.08.2014. godine.

3. KONCESIONA NAKNADA U 2014. GODINI

Na osnovu potpisanih ugovora o koncesiji, koncesionari su preuzeli obavezu plaćanja koncesione naknade. Visina koncesione naknade za flaširanje vode utvrđena je kao procenat od iznosa posebne vodne naknade za korištenje voda za ovu namjenu, a visina koncesione naknade za MHE kao procenat od ukupnog godišnjeg prihoda ostvarenog od prodaje električne energije i to u svakom slučaju putem javnog prikupljanja ponuda.

Osnovica za plaćanje naknade za flaširanje vode je registrovana zahvaćena količina vode, a ne može biti manja od utvrđene minimalne količine iz ugovora (minimalna izdašnost izvorišta), koja je data na koncesiju, dok je osnovica za plaćanje naknade za MHE proizvedena električna energija. Pregled finansijskih obaveza koncesonara dat je u Tabelama 3. i 4., sa iskazanim stanjem potraživanja i dugovanja zaključno sa 31.12.2014. godine.

TABELA 3: Pregled eksploatacionih količina mineralne i prirodne vode i uplata koncesione naknade u 2014. godini

Koncesionar	Iznos koncesione naknade po ugovoru (KM/m ³)	Minimalna količina po ugovoru (m ³ /god)	Ukupni godišnji iznos koncesione naknade (KM)	Ukupna obaveza od zaključenja ugovora do 31.12.2014. godine	Uplaćeno do 2014. godine (KM)	Uplaćeno u 2014. godini (KM)	Ukupno uplate do 31.12.2014. (KM)	Zbirni dug sa 31.12.2014.
1	2	3	4=2x3	5	6	7	8=6+7	9=8-5
„CELVIK – KISELJAK“ d.o.o. Tešanj	2,00	5.018,00	10.036,00	70.900,16	10.745,00	0,00	10.745,00	-60.155,16
„Prirodni kiseljak Princess“ d.o.o. Tešanj	1,60	7.488,00	11.980,80	85.411,76	74.043,58	15.902,40	89.945,98	+7.534,22
„MAPEX“ d.o.o. Maglaj	0,77	5.766,80	6.920,16	84.795,02	5.000,00	0,00	5.000,00	-79.795,02
„IRIŠKIĆ“ d.o.o. Tešanj	1,20	14.976,00	17.971,20	126.285,12	36.337,15	13.000,00	49.337,15	-76.947,97
„ZEMA“, d.o.o. Tešanj	2,00	14.976,00	29.952,00	214.809,60	177.369,60	34.414,40	211.784,00	-3.025,60
„TEŠANJSKA VRELA“ d.o.o. Tešanj	2,00	3.744,00	7.488,00	52.790,40	8.167,52	17.000,00	23.167,52	-27.622,88
„VIN-MIS“ d.o.o. Jelah, Tešanj	1,20	5.990,40	7.188,48	37.020,67	12.850,00	0,00	12.850,00	-24.170,67
„MISIR“ d.o.o. Olovo	1,20	2.246,40	2.695,68	18.948,38	0,00	0,00	18.948,38	-18.948,38
„AZ-EN Petrol“ d.o.o. Tešanj	1,00	7.488,00	7.488,00	26.466,00	3.000,00	580,00	3.580,00	-18.884,00
UKUPNO:	-	-	101.720,32	717.432,11	325.512,85	80.896,80	425.358,03	-302.015,46

Ovdje treba napomenuti da je ugovor sa „VIN-MIS“ d.o.o. Jelah raskinut, a istovremeno je pokrenut postupak utuženja za neizmirena dugovanja.

Takođe su koncesionarima „CELVIK-Kiseljak“ d.o.o. Tešanj i „MISIR“ d.o.o. Olovo dostavljene opomene za neizmireni dug i prijetnja raskidom zbog neizmirenja ugovornih obaveza, dok su ostalim dužnicima dostavljene opomene pred utuženje za nova dugovanja, odnosno zahtjevi Kantonalnom pravobranilaštvu za pokretanje tužbenog zahtjeva za prinudnu naplatu dugovanja.

Postupajući po zaključku Vlade broj: 02-25-12923/14 od 19.06.2014. godine, Ministarstvo za poljoprivredu, šumarstvo i vodoprivredu pokrenulo aktivnosti na zaključenju aneksa ugovora, pod prijetnjom raskida ugovora, kojima se predviđa obezbjeđenje naplate koncesione naknade

putem bankovnih garancija, odnosno mjenica, kako bi se izbjeglo vođenje sudskih postupaka prinudne naplate.

TABELA 4: Pregled uplata koncesione naknade za MHE u 2014. godini

Red. br.	Godina	Uplate koncesione naknade (KM)
1	2	4
1.	"ADRIJA-PRODUKT " d.o.o. Zenica (1,1 % od proizvedene el.energije)	
1.1.	2012.	4.273,77
1.2.	2013.	4.905,74
1.3.	2014.	2.698,48
	UKUPNO:	11.877,99
2.	JP "ViK" Zenica (2% od proizvedene el.energije)	
2.1.	2012.	
2.2.	2013.	5.051,24
2.3.	2014.	4.773,72
	UKUPNO:	9.824,96
3.	"EBH" d.o.o. Sarajevo (3,1% od proizvedene el.energije)	
3.1.	2013.	1.363,62
3.2.	2014.	9.839,01
	UKUPNO:	11.202,63

Ovdje treba napomenuti da MHE „Bistričak“ radi devastacije objekata usljed poplava nije bila u funkciji 12 mjeseci, dok je EBH počeo sa proizvodnjom u novembru 2013. godine.

Iz navedenih tabela 3. i 4. vidljivo je da je u 2014. godini po osnovu koncesionih naknada naplaćeno ukupno: 106.136,99 KM. Prema zaduženjima i uplatama po osnovu koncesione naknade za korištenje vode proizilazi da ukupan dug sa 31.12.2014. godine iznosi: 302.015,46 KM, prema podacima Ministarstva finansija o izvršenim uplatama u izvještajnom periodu. Izvještaj o izvršenim uplatama koncesionih naknada Ministarstvo finansija redovno dostavlja Ministarstvu za poljoprivredu, šumarstvo i vodoprivredu, budući da nadzor nad ispunjenjem obaveza plaćanja naknade za koncesiju vrši Ministarstvo finansija Kantona, u skladu sa članom 23. Zakona o koncesijama („Službene novine Zeničko-dobojskog kantona“, broj: 5/03).

Od ukupno uplaćenih sredstava u 2014. godini 70% je alocirano općinama na čijem području se nalazi predmet koncesije, tačnije općini Tešanj iznos od 47.527,76 KM, gradu Zenica 17.500,80 KM, i općini Zavidovići 6.113,30 KM i općini Usora 5.296,20 KM, u skladu sa Odlukom Vlade Kantona o načinu raspodjele i korištenju sredstava prikupljenih po osnovu kontinuirane i jednokratne naknade od koncesija („Službene novine Zeničko-dobojskog kantona“, broj: 1/13).

U skladu sa članom 3. stav 2. citirane Odluke, o programima realiziranim iz sredstava koje općine dobiju od Kantona kao i visini uložених sredstava općinska vijeća su dužna jednom godišnje informisati resorna ministarstva.

Općina Tešanj je dostavila izvještaj o utrošku sredstava od koncesija, u kojem je navedeno da su sva ubrana sredstva po osnovu koncesiona naknade u 2014. godini prenesena u Budžet Općine za 2015. godinu. Navedeno je da je u skladu sa Odlukom o usvajkanju Liste kapitalnih projekata za 2015. godinu, projekti iz tačke D) Koncesije i dodatna sredstva biti će realizirana u toku 2015. godine („Službeni glasnik Općine Tešanj“, broj: 3/15) i Budžetskom stavkom: „Kapitalni grantovi (trnsferi) i izdaci – Utrošak sredstava od koncesija i nakande za korištenje šuma“ („Službeni glasnik Općine Tešanj“, broj: 11/14), planiran je utrošak sredstava u u kupnom iznosu

od 65.000,00 KM, a ovu stavku između ostalog čine sredstva od koncesija u iznosu od 52.040,76 KM.

Grad Zenica je dostavio informaciju u kojoj je navedeno da su sredstva u iznosu od 17.500,80 KM utrošena za plaćanje nabavke vodovodnog materijala, te izvođenje radova na izgradnji dovodnog cjevovoda sa kaptaže Zapaštak-Bistričak prema Topčić Polju, a u prilogu su dostavljene kopije ugovora i faktura.

Općine Usora i Zavidovići nisu dostavili traženi izvještaj.

4. ZAKLJUČAK

U vezi sa transkriptom sa 42. sjednice Skupštine Zeničko-dobojskog kantona, na kojoj je analizirana Informacija o koncesijama na vodama za 2012. godinu, Ministarstvo je u Programu utroška sredstava od koncesija za 2014. godinu planirano izradu Studije o mogućnosti izgradnje malih hidroelektrana u slivu rijeke Tribije i Studiju hidroenergetskog iskorištenja rijeke Gostović, koje bi bile osnov za utvrđivanje javnog interesa i provođenje postupka dodjele koncesija na planski način, uz prethodno pribavljanje saglasnosti lokalnih zajednica. Ovakav pristup garantuje neselektivan pristup i osigurava već kroz samu studiju poštivanje svih zahtjeva (prije svega ekoloških, prostorno-planskih, vodoprivrednih, socioloških i drugih uslova), a sa druge strane optimizaciju hidroenergetskog kapaciteta u nekom slivu. Treba napomenuti da je i dalje prisutan interes investitora za izgradnju malih hidroelektrana.

Kada je u pitanju analiza rada objekata malih hidroelektrana koje su u funkciji, ispostavilo se da su to profitabilni projekti i da imaju potpunu ekonomsku opravdanost.

Posebno treba naglasiti činjenicu da je, sada već relativno davno, pokrenuto donošenje novog federalnog zakona o koncesijama, kojeg je Dom naroda usvojio još u maju 2011. godine, ali još nije bio na dnevnom redu Predstavničkog doma Parlamenta Federacije BiH, s obzirom da je neophodno pitanja koncesije urediti na federalnom nivou, odnosno politiku utvrđivanja koncesione naknade utvrditi jedinstveno na federalnom nivou. Potreba da se ovo pitanje riješi jedinstveno na nivou Federacije BiH je izuzetno značajno, prije svega radi pojednostavljenja postojećih procedura i stvaranja jednakih uslova za investicije.

U toku 2014. godine u postupku se nalazilo 12 podnesaka privrednih subjekata koji su tražili koncesiju na vodama za navedene namjene. Za svaki od navedenih podnesaka dat je detaljan pregled aktivnosti u 2014. godini.

U 2014. godini je po osnovu koncesionih naknada uplaćeno ukupno: 112.439,80 KM, što je znatno više u odnosu na 2013. godinu, u kojoj je uplaćeno 49.695,90 KM. Protiv koncesionara koji imaju iskazano dugovanje pokrenuti su postupci utuženja putem Kantonalnog pravobranilaštva.

Od ukupno uplaćenih sredstava 70% je alocirano općinama na čijem području se nalazi predmet koncesije, tačnije općini Tešanj iznos od 47.527,76 KM, općini Zenica 17.500,80 KM, općini Zavidovići 6.113,30 KM i općini Usora 5.296,20 KM, u skladu sa Odlukom Vlade Kantona o načinu raspodjele i korištenju sredstava prikupljenih po osnovu kontinuirane i jednokratne naknade od koncesija („Službene novine Zeničko-dobojskog kantona“, broj: 1/13). O utrošenim sredstvima izvještaje su dostavile općine Tešanj i Zenica, a općina Zavidovići i Usora do momenta izrade ove informacije to nisu uradile.

Obradivač

Senada Dizdar

MINISTAR

Himzo Smajić